



18.

Na osnovu člana 21. stav 3. Zakona o prostornom uređenju („Sl. novine ZE-DO kantona“, broj 2/04 i 2/08) i člana 22. Statuta Općine Visoko - Prečišćeni tekst („Sl. glasnik općine Visoko“, broj 1/11), Općinsko vijeće Visoko na 4. sjednici održanoj 2.3.2013.godine, donijelo je

ODLUKU

o izmjeni namjene dijela prostora Urbanističkog plana grada Visoko

Član 1.

Ovom odlukom vrši se izmjena namjene dijela prostora Urbanističkog plana grada Visoko („Sl. glasnik Općine Visoko“, broj 7 /03).

Član 2.

Izmjena dijela prostora obuhvata prostor između Doma zdravlja i SŠC „Hazim Šabanović“ i prema Urbanističkom planu grada Visoko definiran je kao „prostor za proširenje Doma zdravlja“.

Umjesto predhodno definisane namjene, definira se nova namjena prostora - „prostor za centralne sadržaje“ (vjerski objekat, šetnica i saobraćajnica).

Član 3.

Prostor predviđen za centralne sadržaje (vjerski objekat) obuhvata dio parcele označene kao k.č. br. 1449/1 u K.O Visoko vlasništvo Općine Visoko, dimenzija 60,00 m x 35,00 m, površine cca 2.100,00 m².

Pješačka staza – šetnica dužine 175 m, širine 4,00 m povezuje Ulicu Branilaca i Naselje Luke i obuhvata dio parcela označenih

kao k.č.br. 1449/1, k.č.br. 1220/2, k.č.br. 1220/1, k.č.br. 1449/2, k.č.br. 1448/1 i k.č.br. 1448/2 sve u K.O. Visoko, vlasništvo Općine Visoko.

Saobraćajnica dužine 250,00 m i širine 5,50 m – 6,50 m povezuje Ulicu Branilaca i Naselje Luke i obuhvata dio parcela označenih kao k.č.br. 1432, k.č.br. 1221, k.č.br. 1221/1, k.č.br. 1438 i k.č.br. 1215 sve u K.O.Visoko, vlasništvo Općine Visoko, dio parcele označene kao k.č.br. 1440/4 u K.O.Visoko površine 50,00 m² vlasništvo SŠC „Hazim Šabanović“ i dio parcele označene kao k.č.br. 1216/1 u K.O. Visoko, površine 150,00 m² suvlasništvo Hadžimehmedagić Mevludina i Melihe.

Član 4.

Sastavni dio ove odluke je i situacioni prikaz u mjerili 1:1000.

Član 5.

Ova odluka stupa na snagu osmog dana od dana objavljivanja u „Službenom glasniku općine Visoko“.

Broj:01/2-02-42/13
PREDSJEDAVAJUĆA
2.3.2013. godine
OPĆINSKOG VIJEĆA VISOKO

Mirela Mateša Bukva

19.

Na osnovu člana 20. stav 3. Zakona o prostornom uređenju («Sl. novine ZE-DO kantona», broj 2/04 i 2/08) i člana 22. Statuta Općine Visoko – Prečišćeni tekst («Sl. glasnik općine Visoko», broj 1/11), Općinsko vijeće Visoko, na 4. sjednici održanoj, dana 2.3.2013.godine, donijelo je

O D L U K U
o pristupanju izradi Urbanističkog
plana za urbano područje općinskog
centra Visoko
za period 2013 – 2023. godine

Član 1.

Pristupa se izradi Urbanističkog plana za urbano područje općinskog centra Visoko za period 2013 – 2023. godine / u daljem tekstu: Urbanistički plan/ u granicama obuhvata iz Prostornog plana Općine Visoko («Sl. glasnik općine Visoko», broj 7/03).

Član 2.

Urbanistički plan će se sastojati od tekstualnog i grafičkog dijela urađen prema Uredbi o jedinstvenoj metodologiji za izradu planskih dokumenata («Sl. novine F BiH», broj 63/04, 50/07 i 84/10).

Član 3.

Nosilac pripreme Urbanističkog plana je Služba za prostorno uređenje, imovinsko-pravne, gedoetske, stambeno-komunalne poslove i zaštitu okoline općine Visoko (u daljem tekstu: Nosilac pripreme).

Nosilac izrade Urbanističkog plana je: Ministarstvo za prostorno uređenje, promet i komunikacije i zaštitu okoline, Kantonalni zavod za urbanizam i prostorno uređenje Zeničko-dobojskog kantona Zenica (u daljem tekstu. Nosilac izrade).

Posebnim ugovorom između Nosioca pripreme i Nosioca izrade regulisaće se njihovi međusobni odnosi.

Rok za izradu Urbanističkog plana je 9 (devet) mjeseci od dana donošenja ove Odluke.

Član 4.

Izrada Urbanističkog plana će se finansirati dijelom iz sredstava budžeta općine Visoko, planiranih za izradu planskih dokumenata u 2013. godini i dijelom iz sredstava budžeta Zeničko-dobojskog kantona.

Član 5.

U postupku izrade, a prije utvrđivanja Prednacrt Urbanističkog plana, Nosilac izrade je dužan pribaviti stručno mišljenje od Nosioca pripreme.

Član 6.

Nosilac izrade je dužan, nakon razmatranja primjedbi, mišljenja i sugestija od Nosioca pripreme, da one izmjene koje smatra boljim rješenjima, ugrađuje u Nacrt Urbanističkog plana i dostavi ga Nosiocu pripreme uz odgovarajuće obrazloženje.

Član 7.

Nosilac pripreme je dužan da Nacrt Urbanističkog plana podnese Općinskom vijeću na usvajanje i predloži da se o istom otvori javna rasprava u trajanju od 60 dana.

Nacrt Urbanističkog plana dostavlja se i Ministarstvo za prostorno uređenje, promet i komunikacije i zaštitu okoline Zeničko-dobojskog kantona, na mišljenje o usaglašenosti Urbanističkog plana sa Prostornim planom Kantona.

Član 8.

Nakon što Nosilac pripreme prikupi iz javne rasprave sva mišljenja, primjedbe, sugestije i prijedloge na Nacrt Urbanističkog plana, iste razmatra, te formira vlastite preporuke i dostavlja ih Nosiocu izrade.

Član 9.

Nosilac pripreme utvrđuje Prijedlog Urbanističkog plana u kojem se ne mogu mijenjati planska rješenja iz Nacrta ovog Plana, koji je utvrđen na način utvrđeno u članu 8. i dostavlja ga Općinskom vijeću na usvajanje.

Član 10.

Odluka stupa na snagu osmog dana od dana objavljivanja u «Sl. glasniku općine Visoko».

Broj: 01/2-02-43/13
PREDSJEDAVAJUĆA
Datum: 2.3.2013. godine
OPĆINSKOG VIJEĆA VISOKO

Mirela Mateša Bukva
20.

Na osnovu člana 32. stav 1. Zakona o upravljanju i održavanju stambenih i stambeno-poslovnih zgrada („Službene novine Zeničko- dobojskog kantona“, broj 2/08) i člana 22. Statuta općine Visoko – Prečišćeni tekst („Službeni glasnik općine Visoko“, broj 1/11), Općinsko vijeće Visoko na 4. sjednici održanoj, dana 2.3.2013. godine, donijelo je

ODLUKU

o visini naknade za održavanje zajedničkih dijelova i uređaja zgrade za 2013. godinu

Član 1.

Ovom odlukom utvrđuje se minimalna mjesečna visina naknade za održavanje zajedničkih dijelova i uređaja zgrade za 2013. godinu za vlasnike stambenih i poslovnih

prostora u stambenim i stambeno-poslovnim zgradama.

Član 2.

Naknada za održavanje zajedničkih dijelova i uređaja zgrade za vlasnike / korisnike stambenih prostora iznosi 0,22 KM po m².

Član 3.

Naknada za održavanje zajedničkih dijelova i uređaja zgrade za vlasnike / korisnike poslovnih prostora iznosi 0,33 KM po m².

Član 4.

Vlasnici / korisnici stanova i poslovnih prostora dužni su naknadu iz tačke 2. i 3. ove Odluke uplaćivati na depozitni račun zgrade koji će u tu svrhu biti otvoreni kod upravitelja.

Član 5.

Odluka stupa na snagu osmog dana od dana objavljivanja u „Službenom glasniku općine Visoko“.

Broj: 01/2-02-44/13
PREDSJEDAVAJUĆA
2.3.2013. godine
OPĆINSKOG VIJEĆA VISOKO

Mirela Mateša Bukva

21.

Na osnovu člana 66. Zakona o građevinskom zemljištu Federacije Bosne i Hercegovine („Sl. novine FBiH“, broj 25/03), člana 38. stav 2. Odluke o građevinskom zemljištu („Sl. glasnik općine Visoko“, broj 4/04) i člana 22. Statuta Općine Visoko – Prečišćeni tekst („Sl. glasnik općine Visoko“, broj 1/11), Općinsko vijeće Visoko na 4. sjednici održanoj 2.3.2013. godine, donijelo je

ODLUKU
o visini prosječne konačne građevinske
cijene
1 m2 korisne površine stambenog prostora
na
području općine Visoko za 2013. godinu

Član 1.

Ovom odlukom određuje se visina prosječne konačne građevinske cijene 1 m2 korisne površine stambenog prostora na području općine Visoko za 2013. godinu.

Član 2.

Prosječna konačna građevinska cijena 1 m2 korisne površine stambenog prostora na području općine Visoko iznosi 700,00 KM.

Član 3.

Prosječna konačna građevinska cijena 1 m2 korisne površine stambenog prostora iz člana 2. ove Odluke, služi kao osnov za obračun naknade za pogodnost korištenja građevinskog zemljišta, naknade za uređenje gradskog građevinskog zemljišta i naknade za korištenje gradskog građevinskog zemljišta, a prema odredbama Odluke o građevinskom zemljištu („Službeni glasnik općine Visoko“, broj 4/04).

Član 4.

Stupanjem na snagu ove Odluke prestaje da važi Odluka o visini prosječne konačne građevinske cijene 1 m2 korisne površine stambenog prostora na području općine Visoko („Sl. glasnik općine Visoko“, broj 2/12).

Član 5.

Zadužuje se Služba za prostorno uređenje, imovinsko-pravne, geodetske, stambeno-komunalne poslove i zaštitu okoline da u skladu sa čl. 2 i čl. 3 ove Odluke uskladi Odluku o visini naknade za pogodnost korištenja građevinskog zemljišta, uređenje i korištenje gradskog građevinskog zemljišta na području općine Visoko za 2013. godinu.

Član 6.

Ova odluka stupa na snagu osmog dana od dana objavljivanja u „Službenom glasniku općine Visoko“.

Broj: 01/2-02-45/13
PREDSJEDAVAJUĆA
2.3. 2013. godine
OPĆINSKOG VIJEĆA VISOKO

Mirela Mateša Bukva

22.

Na osnovu članova 13. i 28. Zakona o principima lokalne samouprave u Federaciji Bosne i Hercegovine („Službene novine FBiH“, broj: 49/06), članova 22. i 59. Statuta općine Visoko – Prečišćeni tekst („Službeni glasnik općine Visoko“, broj: 1/11) Općinsko vijeće Visoko, na 4. sjednici održanoj 2.3. 2013. godine, donijelo je

ODLUKU
o raspisivanju izbora za članove savjeta
u mjesnim zajednicama općine Visoko

Član 1.

Raspisuju se izbori za članove savjeta mjesnih zajednica općine Visoko.

Mandat članova savjeta mjesne zajednice traje četiri godine.

Član 2.

Izbori će se održati u nedjelju, 21. aprila 2013. godine, u vremenu od 8,00 do 16,00 sati, u svim mjesnim zajednicama.

Član 3.

Savjeti mjesnih zajednica imaju od pet do devet članova.

Broj članova savjeta mjesne zajednice utvrđuje se statutom mjesne zajednice prema broju građana upisanih u centralni birački spisak na području mjesne zajednice, s tim da svako mjesno područje ili više manjih naselja u savjetu mjesne zajednice bude adekvatno zastupljeno.

Predsjednik savjeta mjesne zajednice je kandidat sa liste za izbor članova savjeta mjesne zajednice koji dobije najveći broj glasova.

Član 4.

Općinsko vijeće Visoko će imenovati Komisiju za sprovođenje izbora u mjesnim zajednicama koja ima predsjednika i četiri člana.

Administrativno-tehničke poslove za potrebe Komisije iz stava 1. ovog člana obavljat će Općinska služba za opću upravu, poslove mjesnih zajednica i inspekcijske poslove.

Član 5.

Rezultate izbora za članove savjeta u mjesnim zajednicama potvrđuje odlukom Općinsko vijeće Visoko, najkasnije u roku od 30 dana nakon održanih izbora.

Član 6.

Sredstva za sprovođenje izbora u mjesnim zajednicama obezbjeđuju se u Budžetu općine Visoko.

Član 7.

Ova odluka stupa na snagu danom objavljivanja u „Službenom glasniku općine Visoko“.

Broj: 01/1-02-47/13

PREDSJEDAVALA

2.3.2013. godine

OPĆINSKOG VIJEĆA

VISOKO

V i s o k o

Mirela Mateša

Bukva

23.

Na osnovu člana 12. Zakona o ministarskim, vladinim i drugim imenovanjima FBiH („Službene novine FBiH“, broj 12/03), člana 64. Zakona o zdravstvenoj zaštiti („Službene novine FBiH“, broj 46/10), člana 21. Odluke o preuzimanju prava osnivača i organizovanju Javne ustanove Dom zdravlja Visoko („Službeni glasnik općine Visoko“, broj 7/99, 4/11, 4/12) i člana 22. Statuta općine Visoko – Prečišćeni tekst („Službeni glasnik općine Visoko“, broj

1/11) Općinsko vijeće Visoko na 4. sjednici održanoj 2.3. 2013. godine donijelo je

R J E Š E N J E

o konačnom imenovanju Upravnog odbora

Javne ustanove Dom zdravlja Visoko

I

Imenuje se Upravni odbor Javne ustanove Dom zdravlja Visoko u sastavu:

1. Zlatko Handžić, predsjednik
2. Amira Trbonja – Zukić, član
3. Adi Ahić, član

II

Upravni odbor imenuje se na period od četiri godine.

III

Stupanjem na snagu ovog Rješenja, prestaje da važi Rješenje o konačnom imenovanju Upravnog odbora Javne ustanove Dom zdravlja sa poliklinikom Visoko („Službeni glasnik općine Visoko“, broj 5/10).

IV

Ovo Rješenje objaviće se u „Službenom glasniku općine Visoko“.

Broj: 01/1-02-46/13

PREDSJEDAVALA

2.3. 2013. godine

Općinskog vijeća

Visoko

Visoko

Mirela Mateša

Bukva

24.

Na osnovu člana 99. Statuta Općine Visoko-Prečišćeni tekst („Službeni glasnik Općine Visoko“, broj: 1/11), Općinska načelnica Visoko d o n o s i

P R A V I L N I K **o načinu, postupku i** **kriterijima za dodjelu sredstava** **udruženjima i fondacijama**

OPĆE ODREDBE

Č l a n 1.

Ovim Pravilnikom uređuje se način, postupak i kriterij za dodjelu sredstava udruženjima i fondacijama iz Budžeta Općine Visoko za 2013. godinu (u daljem tekstu: Pravilnik) s ciljem podsticanja razvoja i saradnje sa udruženjima i fondacijama (u daljem tekstu: NVO).

Č l a n 2.

Sredstva se dodjeljuju udruženjima i fondacijama koje su registrovane u Bosni i Hercegovini do dana raspisivanja Javnog poziva, a čiji su projekti namjenjeni građanima Općine Visoko (u daljem tekstu: Općina).

NAČIN I POSTUPAK

Č l a n 3.

Javni poziv raspisuje Služba za društvene djelatnosti, boračko – invalidsku zaštitu i raseljena lica Općine Visoko (u daljem tekstu: Služba), poslije usvajanja budžeta Općine, koji ostaje otvoren 15 dana od dana objavljivanja.

Javni poziv objavljuje se u općinskim medijima i WEB stranici Općine.

Prije raspisivanja Javnog poziva, općinske službe iz svoje nadležnosti daju

prijedloge projekata koji će se podržati, pri tom vodeći računa o interesu Općine i njenih građana.

Č l a n 4.

Aplikant uz prijavu prilaže:

- projekat sačinjen u skladu sa uputstvom i kriterijima Općine,
- završni godišnji finansijski izvještaj za predhodnu godinu (bilana stanja i uspjeha) osim ako je udruženje registrovano u godini objavljivanja Javnog poziva,
- rješenje o registraciji organizacije,
- izvod iz registra nadležnog Ministarstva ne starije od 30 dana,
- kopiju rješenja o poreznoj registraciji – ID broj Porezne uprave,
- potvrda banke o broju žiro računa i da je isti aktivan ne stariji 30 dana.

Č l a n 5.

NVO mogu u okviru jednog javnog poziva aplicirati najviše sa tri projekta.

Projekat treba da sadrži:

- Naziv i opis projekta;
- Jasne ciljeve projekta koji će biti postignuti;
- Vrste aktivnosti koje će se provesti da bi se postigli ciljevi;
- Metode rada i očekivani rezultati;
- Ciljne grupe;
- Područje implementacije projekta;
- Budžet za predložene aktivnosti;
- Dinamiku utroška sredstava;

- Druge izvore finansiranja projekta (uključujući i izvore same organizacije);
- Održivost projekata nakon njegovog završetka.

Član 6.

NVO koje su bile korisnici budžetskih sredstava Općine u predhodnoj godini, obavezne su dostaviti Službi, do isteka godine za koju su sredstva dodjeljena, finansijski i narativni izvještaj u formi koju im je dostavila Služba.

Ukoliko NVO ne dostavi kompletan izvještaj, ne može učestvovati u raspodjeli sredstava u godini u kojoj se sredstva dodjeljuju.

Član 7.

Radi namjenskog utroška i sigurnosti realizacije projekta, od ukupno odobrenih sredstava za projekat, 10% bit će isplaćeno nakon podnošenja izvještaja NVO.

Član 8.

Neposredno prije ili u toku raspisivanja Javnog poziva, Služba ima obavezu da informira NVO o svim pitanjima od značaja za učešće na Javnom pozivu.

Član 9.

Sredstva planirana budžetom Općine Visoko, dodjeljuju se prvenstveno NVO čiji se projekti odnose na sljedeće oblasti:

- ❖ sport,
- ❖ kultura,
- ❖ ostale oblasti udruženja građana,
- ❖ djelatnosti Fondacija.

OVLAŠTENJA

Član 10.

Odabir projekta za finansiranje – sufinansiranje iz budžeta Općine Visoko vrši Komisija za raspodjelu sredstava NVO (u daljem tekstu: Komisija), koju imenuje Općinska načelnica.

Predloženi članovi Komisije moraju poznavati formu pisanja projekata i njihov način realizacije, kao i propise o radu i poslovanju NVO.

Član 11.

Komisija ima 5 (pet) članova i to: predsjednika i četiri člana. Mandat Komisije traje jednu godinu dana.

Član 12.

Predsjednik Komisije se bira iz reda organa lokalne uprave. Članovi se biraju po slijedećem rasporedu:

- predstavnik Općine 1 član,
- predstavnik Općinskog vijeća 1 član,
- 2 člana iz stručnih radnika iz oblasti kulture i sporta.

Komisija ima sekretara koji se određuje iz nadležne Službe.

Sekretar Komisije vrši stručne, administrativne i druge poslove za potrebe Komisije i vodi zapisnike sa sastanaka.

Član 13.

Mandat predsjednika i člana Komisije prestaje:

- istekom perioda za koji je izabran,

- ostavkom,
- opozivom,
- drugim slučajevima predviđenim zakonom.

Član 14.

Smatra će se da je član Komisije u sukobu interesa ukoliko postoji:

- porodični odnos (roditelji, djeca, braća, sestre su članovi nevladinih organizacija),
 - poslovni odnos (ukoliko su članovi Odbora, volonteri ili konsultanti neke od NVO,
- koja je podnijela prijedlog projekta.

Član Komisije koji se nalazi u sukobu interesa dužan je to prijaviti i povući se od donošenja odluke u konkretnom slučaju.

Član 15.

Služba vrši kontrolu prijavljenih aplikacija, selekciju prispjelih projekata po oblastima djelovanja i radi kratak opis projekata.

Siže obrađenih projekata Služba dostavlja Komisiji na razmatranje.

KRITERIJ/ ocjena projekta

Član 16.

Kriterij za izbor Projekata će biti bodovani kako slijedi:

1. Kvalitet projekta (cilj i korist koju će projekat donijeti društvenoj zajednici) maksimalno 50 bodova.
2. Očekivani rezultati maksimalno 30 bodova.

3. Analitičnost budžeta projekta maksimalno 20 bodova.

Zbir kriterija može iznositi maksimalno 100 bodova. Na osnovu utvrđenog maksimalnog broja bodova za pojedine kriterije Komisija je dužna izvršiti izbor projekata.

Komisija će predložiti dodjelu novčanih sredstava za projekte koji osvoje više od 50 bodova.

Član 17.

ELMINATORNI KRITERIJ I

- ❖ organizacija nije dostavila finansijski i narativni izvještaj za odobrena sredstva u predhodnom periodu,
- ❖ nedostaju formalni uslovi za kandidiranje projekta (ne potpuna ili ne tačna dokumentacija),
- ❖ organizacija dostavila plan aktivnosti, a ne konkretan projekat,
- ❖ projekat odražava ozbiljno neznanje i predrasude vezane za problem,
- ❖ projektu nedostaju jasan prikaz rezultata – uspješnosti u dijelu unutrašnjeg vrednovanja – evulacije,
- ❖ aktivnosti u projektu ne uključuju građane Općine Visoko,
- ❖ prijedlog projekta je u odgovarajućoj formi, ali nedostaju ključne informacije,
- ❖ aktivnosti predviđene projektom već postoje i ne postoje opravdani razlozi za provođenje istih,

- ❖ očigledna nesrazmjera budžeta projekta i aktivnosti sadržanih u projektu,
- ❖ organizacija dobila sredstva u ukupnom iznosu cijene projekta od drugog donatora.

Odluka o primjeni eliminatorskih kriterija se donosi 2/3 većinom ukupnog broja članova Komisije.

Član 18.

U slučaju da dva ili više projekata budu predloženi, a raspoloživa sredstva nisu dovoljna za njihovo finansiranje, sredstva će se dodijeliti projektu koji po ocjeni 2/3 ukupnog broja članova Komisije uspješnije zadovoljava prioritetne potrebe građana općine.

Član 19.

Maksimalan iznos dodjeljenih sredstava za jednu NVO koja kandiduje projekte, ne može preći iznos od 10% od iznosa ukupno predviđenog Budžetom Općine za ovu svrhu.

Aplikant može konkurisati za ukupan iznos cijene projekta ili za dio nedostajućih sredstava i dužan je to naznačiti.

Član 20.

Ukoliko se po prijedlogu Komisije, sredstva predviđena za finansiranje projekta NVO iz člana 9. Odluke, ne utroše u iznosu većem od 80% raspisat će se novi Javni poziv sa istim prioritetima.

Član 21.

Komisija je dužna da donese Prijedlog Odluke o dodjeli sredstava, najkasnije trideset dana od dana završetka javnog poziva i isti dostavi Općinskoj načelnici.

Član 22.

Nakon donošenja Odluke o dodjeli sredstava, Služba obavještava pismenim putem sve aplikante o rezultatima odluke.

Služba takođe prati realizaciju podržanih projekata, te obrađuje izvještaje aplikantata.

Član 23.

Odluku o dodjeli sredstava Služba će objaviti na WEB stranici Općine, a treba da sadrži:

- naziv organizacija kojim su dodjeljena sredstva,
- naziv projekta,
- iznos sredstava dodjeljenih za projekat, sa podacima o ostalim eventualnim donatorima.

Član 24.

Općinska načelnica će zaključiti Ugovor sa svim NVO kojima su dodjeljena sredstva po osnovu Javnog poziva, a najkasnije 15 dana od dana donošenja Odluke o dodjeli sredstava.

PRELAZNE I ZAVRŠNE ODREDBE

Član 25.

Ovaj Pravilnik stupa na snagu narednog dana od objavljivanja na Oglasnoj ploči Općine, a naknadno će se objaviti u „Službenom glasniku Općine Visoko“.

Broj:01/2-02-209/13
OPĆINSKA NAČELNICA VISOKO

Datum:21.2.2013.
Amra Babić

25.

Na osnovu člana 10. Zakona o udruženjima i fondacijama u Federaciji Bosne i Hercegovine („Službene novine FBiH“, broj 45/02) i člana 33. Statuta općine Visoko – Prečišćeni tekst („Službeni glasnik općine Visoko, broj 1/11) Načelnica općine Visoko donosi

ZAKLJUČAK

I

Udruženju „Vijeće mladih općine Visoko“, daje se saglasnost za korištenje naziva Općine Visoko u nazivu ovog Udruženja.

II

Ovaj Zaključak stupa na snagu danom donošenja i objaviće se u „Službenom glasniku općine Visoko“.

Broj: 01/2-02-170/13
NAČELNICA OPĆINE VISOKO
Datum, 12.02.2013. godine
Amra Babić

S a d r Ź a j

Redni
broj

Strana

I – OPĆINSKO VIJEĆE

- 18. Odluka o izmjeni namjene dijela prostora Urbanističkog plana grada Visoko
- 19. Odluka o pristupanju izradi Urbanističkog plana za urbano područje općinskog centra Visoko za period 2013-2023. godine
- 20. Odluka o visini naknade za održavanje zajedničkih dijelova i uređaja zgrade za 2013. godinu
- 21. Odluka o visini prosječne konačne građevinske cijene 1 m² korisne površine stambenog prostora na području općine Visoko za 2013. godinu

22. Odluka o raspisivanju izbora za članove savjeta u mjesnim zajednicama općine Visoko
23. Rješenje o konačnom imenovanju Upravnog odbora JU "Dom zdravlja" Visoko

II – OPĆINSKA NAČELNICA

24. Pravilnik o načinu, postupku i kriterijima za dodjelu sredstava udruženjima i fondacijama
25. Zaključak o davanju saglasnosti Udruženju „Vijeće mladih općine Visoko“ za korištenje naziva Općine Visoko